


CELEBRACIÓN EN OS COTOS (na casa)

20 – 21 de xuño do 2020

XII DO TEMPO ORDINARIO



NON MÁIS
VIOLENCIA
DE XÉNERO



Os COTOS COA IGUALDADE VERDADEIRA DAS PERSOAS,
COS POBOS QUE SOFREN INJUSTIZA E ABANDONO,
COS REFUXIADOS E MARXINADOS DA SOCIEDADE,
E COA NATUREZA MALTRATADA



1

1.- ENCONTRO EN FAMILIA

(tod@s na casa)

SAÚDO DE BENVIDA

Celebrante:

Hoxe, despois da celebración da pascua e das festas da Trindade e de Corpus, a liturxia ponnos de novo no camiño do tempo ordinario, volvemos á lectura continuada do evanxeo e percorremos o mesmo camiño que fixo Xesús coa súa predicación e os seus feitos.

E o Evanxeo que escoitaremos é unha palabra de esperanza: “*Non teñades medo*”, “*vós valedes máis que os pardais*”

Para o noso Pai Deus somos importantes. Ao igual que para calquera de nós os nosos fillos son moitas veces o motivo das nosas accións, dos nosos traballos, da nosa forma de pensar e facer; o mesmo podemos dicir con respecto a Deus.

Para Deus non temos prezo, para Deus valemos moito. Coma un fillo atopa a man do pai que o levanta das súas caídas, o mesmo temos que confiar nós na man do Pai Deus que nos acolle e levanta nas dificultades. Nas súas mans non temos medo, nas súas mans valemos moito.

Comezamos a celebración no nome do Pai e do Fillo e do Espírito Santo.

🎵 *nº Benaventurados ou Amigos nas penas*

2

Celebrante: *É momento para pedir perdón porque, moitas veces, nin confiamos en Deus como un Pai, nin nos demais como irmáns. Hoxe, pedir perdón, é comprometémosnos a vivir sentíndonos confiados e sen medos.*

Monitor/a

➤ Comprometédesvos con Xesús a vivir dende a actitude da coherencia e sen andar ás agachadas?

SI, COMPROMETÉMONOS

➤ Comprometédesvos con Xesús a esforzarvos por valorar, como realmente se merecen, a todos os homes e mulleres, sen marxinar a ninguén?

SI, COMPROMETÉMONOS

➤ Comprometédesvos con Xesús a vivir a fe sen medo, sabéndonos nas mans do Pai, aínda que ás veces nos pareza lonxano?

SI, COMPROMETÉMONOS

Celebrante: *Deus todopoderoso teña piedade de nós, poña nos nosos corazóns o seu Amor, faga que sexamos máis irmáns e nos leve a vida eterna. Amén.*

ORACIÓN PROPIA DO DÍA

Celebrante: *Rematamos a primeira parte da celebración confiando nas mans de Deus Pai a nosa oración e os nosos medos.*

(silenzo)

Deus, Noso Pai, a túa providencia non abandona nunca os que fundaches sobre a pedra firme da caridade.

Concédenos vivir sempre facendo realidade o evanxeo do teu Fillo, e valorando axeitadamente a todas as persoas sen poñerlles prezo.

Pedímoscho polo mesmo Xesucristo, Noso Señor.

Amén

2.- PROCLAMACIÓN DA PALABRA DE DEUS

(sentad@s)

Celebrante: *As Palabras de Xesús no Evanxeo de hoxe son para nós un motivo de confianza na man de Deus Pai que nos acompaña no camiñar de cada día, tamén nestes momentos en que se nos pide responsabilidade persoal e coherencia para seguir loitando contra a pandemia e coidando a nosa saúde e a dos outros.*

Leccionario I A páx 211 Xer 20, 10-13 LECTURA

LECTURA DO LIBRO DO PROFETA XEREMÍAS

Dixo Xeremías:

Xa estou oíndo a sentenza,

aumenta o terror ao arredor:

"Denunciádeo, denunciémolo".

Todos os que se fiaban da miña mensaxe de paz,

agardan a miña caída:

"A ver se se deixa seducir: poderemos con el,
e vingarémonos del".
Polo Señor suspiro, como por un forte loitador;
por isto os meus perseguidores caen, non me poden.
Quedarán cubertos de vergonza
porque non tiveron éxito,
non deixarán esquecida esta vergonza perpetua.
Señor dos Exércitos, que pos a proba o xusto,
que ves os sentimentos e mailas intencións,
eu hei ver como te vingas deles,
pois a ti encomendei o meu preito.
Cantádelle ao Señor, louvade o Señor,
pois libra a vida dun pobre do poder dos malvados.

Palabra do Señor

🎵 **nº 41 Quen nos vai separar**

SALMO

(en pé) *Leccionario I A páx 213* Mt 10,26-33 *EVANXEO*

PROCLAMACIÓN DO SANTO EVANXEO SEGUNDO MATEO

Daquela dilles Xesús aos seus apóstolos:

- Non lles teñades medo, que non hai cousa encuberta que non se acabe descubriendo, nin cousa oculta que non se acabe sabendo. O que vos digo na escuridade faládeo á plena luz; e o que oídes ás agachadas pregoádeo desde as azoteas.

Non lles teñades medo aos que matan o corpo pero non poden matar a alma; temede máis ben a aquel que pode arruinar o corpo e a alma no inferno. Non se venden un par de pardais por catro patacos? E non cae o primeiro no chan sen o consentimento do voso Pai.

Pois vós, mesmo tedes contados os pelos todos da cabeza. Así que non teñades medo, que vós valedes máis que todos os pardais xuntos.

Todo o que volva por min diante dos homes tamén eu hei volver por el diante de meu Pai celestial. Pero quen me negue diante dos homes, eu negareino a el diante do meu Pai celestial.

Palabra do Señor

(sentad@s) gardamos uns instantes de silencio para acoller a palabra no corazón

(en pé)

PROFESIÓN DA FE

Celebrante: *Neste encontro de fogar, sabendo Pai que Ti sempre estás á nosa beira, queremos ser entusiastas na nosa casa, na nosa parroquia, en Os Cotos, con toda a Igrexa e con toda a humanidade. Dicimos.*

Creo, Señor, pero aumenta a miña fe

Monitor/a

Credes en Deus, Pai que nos creou á súa imaxe, que nunca se esquece de nós e que nos ama a todas as persoas máis que a todos os paxaros ?

Creo, Señor, pero aumenta a miña fe

Credes en Xesús, que nos convida a compartir á súa beira, sentíndonos irmáns con todos, sen virarlle as costas a ninguén?

Creo, Señor, pero aumenta a miña fe

Credes no Espírito de Deus, que nos alenta para anunciar que a vida de Xesús válenos a pena?

Creo, Señor, pero aumenta a miña fe

Credes na Igrexa, fogar que anuncia o amor, e que se fai en cada un de nós para dar unha mensaxe de esperanza aos que sofren e están cheos de medo?

Creo, Señor, pero aumenta a miña fe

ORACIÓN UNIVERSAL

Celebrante: *Movidos pola fe que compartimos, imos rezar xuntos coma familia dicindo:*

Señor, confiamos en Ti.

Monitor/a

✓ Para que entre todos construíamos unha Igrexa que sexa casa acolledora, agradecida e sempre disposta a animar e a botar unha man, oremos

✓ Para que con todos sexamos cercanos e atentos, como verdadeiros irmáns, fillos dun mesmo Pai, oremos

✓ Para que non calemos ante as violencias e racismos nos que malviven tantas persoas. Poñamos todos os esforzos para camiñar na tolerancia e no respecto, oremos

✓ Para que non teñamos medo a poñer coherencia e responsabilidade nos feitos da vida destes días, oremos

✓ Polas nosas parroquias, para que sexan comunidades onde cadaquén se sinta na súa casa, oremos

✓ Polos voluntarios e profesionais que tanto ben fan nestes días, son para todos nós unha fonte de vida e alento. Por eles oremos

Celebrante: *Grazas Señor por estar á nosa beira escoitándonos e acolléndonos. Sentíndonos nas túas manslouvámote a Ti que vives e reinas por sempre eternamente. Amén*

3.- OS SIGNOS DA COMUÑÓN CON DEUS EN FAMILIA

Celebrante: *Rezamos sabendo que somos membros da gran familia dos fillos de Deus, por iso agora nos atrevemos a chamarlle:
NOSO PAI ...*

SIGNO DA PAZ

Celebrante: *Xesús dános paz coas súas palabras. Que aprendamos a ser transmisores desa mesma paz para con todos. Especialmente lembramos neste momento a persoas que coñecemos e que por unhas ou outras razóns están necesitadas de que se lles dea máis valor ás súas vidas.*

NON COMULGAMOS PERO ESTAMOS EN COMUÑÓN

Celebrante: *Na nosa celebración da fe compartimos coma familia. Participar e rezar hoxe é amosar a nosa confianza no Deus que acompaña os nosos pasos, porque para El somos o máis importante da vida.*

El non nos deixa sos, ao contrario, convídanos á súa casa. Sintamos que somos fogar de Deus Pai.

4.- AVISOS E DESPEDIDA

ORACIÓN FINAL

Celebrante:

Señor, dámosche as grazas por todas as persoas que no camiño da nosa vida nos din con palabras e feitos que a tolerancia e o respecto son actitudes que sempre valen a pena. Grazas polo exemplo que nos dás en Xesús, o teu fillo, pois convídanos a vivir sen medos e sabéndonos acollidos e benqueridos en Deus Pai, que vive e reina con nós por sempre eternamente. Amén.

*Que teñamos un bo día, unha boa semana,
e o Señor nos bendiga, † nos garde de todo mal
e nos leve ao seu fogar de vida eterna. Amén.*

Aínda que xa rematou o tempo de alarma non podemos pensar que xa rematou a pandemia. Por iso necesitamos seguir sendo moi responsables cos nosos feitos.

**HORARIOS PROVISIONAIS
PARA O MES DE XUÑO
NA UNIDADE PASTORAL DE OS COTOS**

SAN XOSÉ DE A LAXE

* O sábado 27 misa ás 6 da tarde

SAN MARTIÑO DE VERDUCIDO

* O sábado 27 misa na parroquia ás 7 da tarde

SANTA MARÍA DE ESTACAS

* O sábado 27 cabodano en memoria de Rosa María
ás 11 da mañá
e xa non hai misa o domingo 28

SAN MIGUEL DE VENTÍN

* O domingo 27 misa ás 11'30 da mañá

SAN LORENZO DE FORNELOS

* O domingo 28 misa ás 12'30 da mañá

SAN VICENTE DE OITAVÉN

* O sábado 27 misa ás 7 da tarde

SANTA MARÍA DAS NEVES DE TRASPIELAS

* O domingo 27 misa ás 10'30 da mañá

SAN ADRIÁN DE CALVOS

* O sábado 27 cabodano de Laura ás 12 da mañá
e xa non hai misa o domingo 28

SAN PAIO DE MOSCOSO

* O xoves 25 ás 8 da tarde único día de novena
na honra da Virxe dos Remedios e do Carmen

* O domingo 28 misa ás 12'30 da mañá
na honra do patrón San San Paio

O DIVINO SALVADOR DE XUNQUEIRAS

* O sábado 27 funeral en memoria de Ramiro
ás 12 da mañá



“Non lles teñades medo, que non hai cousa encuberta
que non se acabe descubriendo, nin cousa oculta que non
se acabe sabendo. O que vos digo na escuridade faládeo á
plena luz; e o que oídes ás agachadas pregoádeo desde as
azoteas” *Palabras de Xesús no evanxeo de hoxe.*